



IZVJEŠTAJ ZA 2016. GODINU O OSTVARENJU GODIŠNJEG PLANA IMPLEMENTACIJE STRATEGIJE RAZVOJA OPĆINE MAGLAJ 2012-2020.G.

1. Uvod

U okviru uspostavljenog sistema kontinuiranog izvještavanja i principima miPRO metodologije, prikupljeni su relevantni podaci i indikatori za provedene i realizovane razvojne mjere u 2016. godini a u cilju praćenja rezultata i postizanja strateških ciljeva i prioriteta razvoja utvrđenih u Strategiji razvoja Općine Maglaj 2012-2020.g.

Izvještaj sadrži informacije o postignutim konkretnim rezultatima provedenih razvojnih mjera pomoću pokazatelja rezultata- indikatora, koji doprinose postizanje strateških ciljeva i prioriteta razvoja.

Strategija razvojna je usvojena 2012. godine, te se od 2012. do 2017. godina vrši implementacija, kontinuirano planiranje (I+ II godine) te izvještavanje o realizaciji .

Akteri koja provode Strategiju razvoja su – javni, privatni i civilni sektor, a u skladu sa Mipro metodologiji integrisanog lokalnog razvoja.

Implementacija strategije se vrši putem općinskih službi i njihovih nadležnosti, saradnjom i kroz projekte NVO-a i partnerstvima sa ostalim vladinim institucijama.

Nakon prirodne nesreće koja je pogodila općinu Maglaj, u 2014. godini, tokom 2014. i 2015. godine težište aktivnosti bilo je usmjereno je u pravcu procesa opravka i obnove, uz određene promjene prioriteta implementacije Strategije razvoja Općine Maglaj 2012-2020.g. odnosno Akcionog plana implementacije za 2015. i 2016. godinu.

U cilju očuvanja kontinuiteta u implementaciji Strategije razvoja Općine Maglaj 2012-2020.g. i godišnjeg izvještavanja o njoj operacionalizaciji, uz određene poteškoća u prikupljanju i prepoznavanju stvarnih realizovanih razvojnih mjera, nastavljen je ciklus izrade godišnjeg izvještaja i izrade izvještaja o realizaciji tako da se može reći da je ovo već peta godine planiranja implementacije i izvještavanja o realizaciji i zasigurno predstavlja već uspostavljen sistem budućeg rada i strateškog planiranja.

Period implementacije obuhvaćen ovim izvještajem je 01.01 – 31.12.2016 godine .

2. Strateški ciljevi i prioriteti

Strategije razvoja - IZVOD:

VIZIJA - MAGLAJ 2020. godine

Maglaj – geostrateško središte industrijske tradicije, dobrih investicija, mladosti, kulture i sporta, otvoren za progres, nova znanja i ideje, sinonim ugodnog i prestižnog mjesta za život, ujednačen u gradu i na selu.

Zajednica koja izgrađuje napredak – Sub castro nostro Maglaj...

Strateški ciljevi koji trebaju doprinijeti ostvarenju vizije:

- SC 1 Razvoj ekonomije i povećanje zaposlenosti
 - SC 2 Unapređenje kvaliteta života, rada i odmora
 - SC 3 Razvoj poslovne i komunalne infrastrukture
 - SC 4 Efikasna administracija u službi građana, mladih i osjetljivih kategorija, po EU standardima
- (Promocija Maglaja – brendiranje imena, tipčnih proizvoda i događaja,)

Također su utvrđeni sektorski – operativni ciljevi:

Sektor ekonomskog razvoja općine:

- OC 1 Razvoj sektora malih i srednjih preduzeća
- OC 2 Izgradnja industrijskih zona i povećanje investicija
- OC 3 Razvoj poljoprivrede i proizvodnje zdrave hrane
- OC 4 Razvoj turizma i aktiviranje turističkih potencijala

Sektor društvenog razvoja :

- OC 1 Unapređenje obrazovanja
- OC 2 Unapređenje kulture, sporta i kulturne baštine
- OC 3 Unapređenje zdravstva i socijalne zaštite
- OC 4 Efikasna uprava i jačanje uloge civilnog društva

Sektor zaštite okoliša i operativnih ciljeva prostornog planiranja:

- OC 1 Unapređenje i upravljanje prostorom
- OC 2 Izgradnja i rekonstrukcija infrastrukture
- OC 3 Vodosnabdjevanje
- OC 4 Zaštita voda
- OC 5 Zaštita zraka i zemljišta
- OC 6 Upravljanje otpadom

3. Pregled implementacije

Shodno Izvještaju o srednjoročnoj evaluaciji Strategije integriranog lokalnog razvoja općine Maglaj za period evaluacije 2012.-2015. godina, sačinjenog od strane UNDP-a, u prethodnom periodu (2012-2015.), ukupan procenat realizacije planiranih projekata u okviru Strategije integriranog lokalnog razvoja općine Maglaj je 85,25%. Od ukupno 122 projekta iz Strategije planiranih za implementaciju u periodu 2012.-2015. godine, 15 projekata (12,30%) je implementirano u potpunosti, dok je udio djelimično realiziranih ili započetih projekata 72,95% (89 projekata).

Ukoliko se posmatra omjer sredstava iz sektorskih planova planiranih za period 2012-2020., od ukupno 42.989.000 KM planiranih za implementaciju svih 122 projekta, u srednjoročnom periodu 2012.-2015. realizovano je 45,64 %, što predstavlja solidan rezultat, jer je realizacija blizu polovine ukupnog planiranog budžeta Strategije.

Pregled planiranih i realiziranih sredstava iz sektorskih planova Strategije, u periodu 2012-2015. g.

Sektor	Planirana finansijska sredstva za implementaciju projekata ^(*)	Realizirana finansijska sredstva za implementaciju projekata		
	Ukupno	Budžet	Vanjski izvori	Ukupno
Ekonomski razvoj	4.535.000	508.000	2.010.450	2.518.450
Društveni razvoj	5.850.000	530.360	7.062.550	7.592.910
Zaštita i unapređenja okoliša	32.604.000	1.308.170	8.200.520	9.508.690
Ukupno	42.989.000	2.346.530	17.273.520	19.620.050
% (struktura)		11,96%	88,04%	100,00%
Procenat realiziranih sredstava od ukupno planiranih				45, 64%

Evidentno je da su intervencije u procesu oporavka, ubrzale realizaciju pojedinih projekata kao i poboljšale finansijske pokazatelje.

Takođe, još uvijek postoji značajan dio kapitalnih intervencija Javnih preduzeća i ustanova, ministarstava, agencija, udruženja, privrednih subjekata i dr. koje nisu uključeni u izvještaje a realizirani su na području općine Maglaj, iz razloga neažurnosti istih, ne vođenja pojedinačno, po općinama i sl.

Za realizaciju projekata-mjera iz Strategije razvoja, u 2016. godini ukupno je realizovano 4.490.430,00 KM (stanje 31.12.2016. godine).

Iz sredstava budžeta Općine Maglaj implementirano je 430.930,00 KM.

Ostali izvori finansiranja su sredstva viših nivoa vlasti (Zeničko-dobojski kanton, FBiH) – 1.644.500,00 KM te dominantno, ostali izvori koji obuhvataju grantove i doznake različitih međunarodnih i domaćih organizacija i fondova u vrijednosti 2.415.000,00 KM.

Po sektorima realizacija je imala slijedeću strukturu:

Ekonomski razvoj: 1.138.030,00 KM

Društveni razvoj: 1.241.200,00 KM

Zaštita okoliša i prostorno planiranje: 2.111.200,00 KM

Vidljivo da je najviše sredstava ostvareno u sektoru prostornog planiranja i zaštite okoliša, za realizaciju mjera vezanih za rekonstrukciju i obnovu javnih ustava i objekata infrastrukture .

Sektor ekonomskog razvoja, iako imajući u vidu strukturu planiranih projekata i uslovljenosti istih učešćem drugih aktera – investitora, s obzirom na finansijska ograničenja općinskog budžeta, nije u prilici ostvariti značajnije investicije. Cilj je da se intenziviraju aktivnosti i direktnim pristupom prema investitorima i stalnim poboljšanjem ambijenta za privređivanje, pokuša učiniti ovaj sektor prvim prioritarnim u realizaciji projekta Strategije razvoja.

Sektor društvenog razvoja takođe bilježi značajne rezultate gdje su realizovani projekti u oblasti obrazovanja, zdravstva, kulturno-historijske baštine i održavanja i unapređenja tradicionalnih kulturnih manifestacija.

Iz cjelokupnog sadržaja izvještaja, odnosno provedenih aktivnosti, vidljivo je da su u proteklom periodu prioritetno realizovani projekti koji doprinose ostvarenju dijela strateških ciljeva što je rezultiralo određenim rezultatima i poboljšanjima u većini oblasti koje tretiraju strateški pravci.

Evidentno je da su realizovani i određeni projekti koji, iako sadržani u Strategiji razvoja, prema ocjeni Općinskog razvojnog tima i općinske administracije nisu planirani i ne predstavljaju prioritete, međutim s obzirom na pronalaženje partnera i donatora, isti postaju operativni i izvodivi te se kao takvi i realiziraju.

Kao dio rezultata i indikatora ostvarenih poboljšanja kroz provedbu projekata i mjera Strategije razvoja, ističu se:

- Rekonstruisani objekti javnog sektora (Dom zdravlja, Sportska dvorana Novi Šeher,)
- Izgrađeno novih 250 metara obaloutvrde
- Izgrađeno 240 m novih trotoara
- Izgrađeno i rekonstruisano 3.550 m
- Izgrađena 2 sportska igrališta
- Sanirano 9 klizišta
- Ostvaren je rast u zapošljavanju na području općine Maglaj u 2016. godini za 233.
- Pripremljena projektno-tehnička dokumentacija i studije za niz mjesnih vodovodnih sistema, saobraćajnica, poslovnu zonu Misuriće, projekti obnove i dr.
- Pripremljena projektno tehnička dokumentacija sanacije klizišta
- Izvršeno proširenje gradskog vodovodnog sistema i povezivanje mjesne zajednice Bijela Ploča, Misurići i Donji Ulišnjak na vodovodni sistem
- Deminirano/pripremljeno 246.335 m² zemljišta
- Izgrađena 2 sportska igrališta
- Ostalo

4. Zaključci, preporuke i stvari koje treba uzeti u razmatranje

Prijedlozi za naredni period:

- jačanje administrativnih kapaciteta nositelja implementacije Strategije razvoja;
- potpuno usklađivanje mjera i projekata Strategije razvoja sa pozicijama općinskog budžeta
- uvesti sisteme za praćenje finansijskih informacija o projektima
- u projekte integrirati okolišne standarde
- definirati indikatore strateških ciljeva i uvesti sisteme za redovno prikupljanje podataka
- jačanje partnerstva i međuopćinska saradnje (regionalni razvoj), saradnja sa privrednim subjektima, građanima, socijalnim partnerima i organizacijama civilnog društva, na čemu se temelji MiPRO koncept.
- planiranje financija po pojedinoj mjeri, odnosno povećanje finansijskog planiranja i egzaktnije određivanje načina finansiranja pojedinih mjera;
- izvori finansiranja, kako je vidljivo i iz ovog izvještaja, najčešće se svode na budžet Općine Maglaj. Imajući navedeno na umu, Akcioni plan implementacije pokušati u budućem periodu u većoj uskladiti s kantonalnim i federalnim budžetima – poveznica između općinskog – kantonalnog i federalnog budžeta;

Navedeno predstavlja osnovne preduslove za ozbiljniji razvoj, kao i za korištenje eksternih sredstava i strukturnih fondova.

U pogledu efikasnosti planiranja i realizacije sredstava za implementaciju Strategije na godišnjem nivou može se zaključiti da postoji prostor za poboljšanje planiranja. U procesu revizije Strategije za naredni period potrebno je promijeniti pristup planiranju finansijskih sredstava za realizaciju projekata koji treba biti zasnovan na analizi budžetskih mogućnosti i trendova u prilogu sredstava iz vanjskih izvora.

Strategija razvoja rađena za period 2012-2020. godine, te pored značajnih izmjena ambijenta i okolnosti za implementaciju strategije, a imajući u vidu da se nalazimo na polovini perioda implementacije, shodno miPRO metodologiji, pokrenut je proces srednjoročne revizije te će se u okviru ILDP projekta UNDP-a, izvršiti prilagođavanje Strategije razvoja sa brisanjem realiziranih projekata kao i inoviranje sa novim projektima.

5. Aneks – Akcioni plan 2016-2018.g – realizacija 2016. godine (u prilogu)

Maglaj, 15.03.2017. godine
Broj: 01- 49 – 519 - 1 /17

Općinski načelnik / Predsjednik ORT-a

Mirsad Mahmutagić

